



[Back](#)

He Wahi Hoakaka

O keia nupepa hou “KE KOO O HAWAII,” ua hoalaia, kukuluia a ke hoolahaia aku nei e kekahi mau keiki Hawaii ponoī. He poe i nōho a kuluma i keia oihana he pai nupepa, a he mau lala hoi no ka Poai Papa Pai o Hāwāii nei.

O ke kaha ana i ke kīi a me ke pai ana o ka hae me ka pohihihi ma kona mau waihoooluu ponoī, a me ka hana ana i na mea a pau e pili ana i ka pepa na makou, he mau keiki papa Hawaii ponoī wale no. O makou wale iho no na hoonoho hua, na pai nupepa, na lunahooponopono a me na luna hoopuka, he mau keiki wale no i hānauia ma Hawaii nei.

Ke kuhikuhi aku nei makou me ka haaheo, i keia ano o ko ka Hawaii holomua ma ka oihana pai, i kumu hoike na kakou Hawaii, e olelo ae ai me ka hopohopo ole, ua hiki no ia kakou ke hana ma keia oihana naauao nui wale, kamahao kiekie o ke ao nei. A he hoike oiaio ana hoi ia o ko

kakou Hawaii pii ana ae mai ke kulana a kakou i ku ai, he kanalima a oi na makahiki i hala aenei, aka, he hoaiia ana, ua ike kakou i ka heluhelu, ka hana a me ka nolo ana. Ina nae he kanalua ko kahi poe, e pono ia lakou e hele mai e ike-maka no lakou iho i ka hana a na keiki Hawaii.

This article has been automatically clipped from the Ke Koo o Hawaii 15 August 1883, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).